

B. N. C.
FIRENZE
1056
19





BREVIS INSTRUCTIO circa librum cui titulus LIBELLUS SUPPLEX

*pro origine & antiquitate Ordinis Carmelitarum,
variisque illius historiis,*

*à S. Congregatione Rituum iterato recognitis & approbatis,
nec non Summorum Pontificum Bullis &c.*

S. D. INNOCENTIO XI

exhibitus per Fr. Sebastianum à S. Paulo &c.



Tsi veritas odium pariat apud multos, apud matrem suam tamen, Ecclesiam dico Romanam, parere nil nisi amorem potest illustrantibus ipsam, è tenebris in lucem protractam. Utrumque

veritatis partum ipsam illustrando sibi peperit P. Daniel Papebrochius, decessorum suorum exemplo laudabiliter atque indefesso studio Sanctorum gloriam cum veritate promovens, colligendo illustrandoque ipsorum Acta, tanta cum utilitate Religionis Catholicæ, ut ipsi in Hollandia acatholici Doctores ac Prædicantes fateantur, haftenus nullum produisse Opus, quod continuatam in Ecclesia Catholica ad nostra usque tempora sanctitatem, sacrarum Traditionum atque Rituum successionem, Doctrinæ per singula secula conformitatem, alique plura manifestius commonstret, quam *Acta Sanctorum*, à P. Joanne Bollandio inchoata, communi bonorum plausu excepta, singulari Summorum Pontificum favore promota; adeò

ut Alexander VII eorum Auctores, tum temporis Godefridum Henschenium & Danielelem Papebrochium, è Belgio in Italiam evocaverit, ac bibliothecas tum Vaticanam, tum reliquas omnes ipsis examinandas patere, dato ad hoc diplomate, voluerit.

Inde in Belgium reversi Patres, ingenti sacrarum notitiarum thesauro divites, coeptum Opus feliciter prosecuti sunt. Cum vero ad Vitam S. Bertholdi, primi Carmelitarum Prioris Generalis, ventum est; ne vel à proposito sibi veritatis studio recederent, vel indignationem PP. Carmelitarum incurrerent, tractando quæstionem de origine Ordinis; ab hac abstinendum sibi, salva veritate & amicitia prædictorum Patrum, putaverunt, Acta S. Bertholdi tantum illustrasse contenti, nulla penitus de antiquitate Ordinis facta mentione. Patet hoc legenti ejus Vitam, impressam Tom. 3 Martii pag. 791. Utinam prudens hoc atque innocens de antiquitate Ordinis silentium (quid enim silentio innocentius prudentiusque, ubi loqui quod sentis, prævides displiciturum

A

offen-



offensurumque) omnibus æquè ac plurimis à PP. Carmelitis probatum fuisset! Uni præcipuè P. Francisco Bonaspæi displicuit, qui proinde arrepto calamo librum composuit sub hoc titulo, *Historico-Theologicum Carmeli Armamentarium*; ubi per triginta & amplius paginas, contra PP. Henrichenii & Papebrochii nominatim agens, ipsorum silentium, quod dixi acriter perstringit, ejusque rationem publice reddi prolixè exposcit. Neque hæc mihi ita asserenti credi velim: Armamentarium ipsum pro me, quæ asserui probabit.

Ita per scriptum publicum provocati Patres prædicti, & sua, & Operis sui interesse putaverunt, publico similiter scripto satisfieri provocanti: adeoque Tom. I Aprilis à pag. 769, ad Vitam S. Alberti rationes silentii sui exponunt. Verùm prius quàm rationes istæ typis eederentur, subodorati PP. Carmelitæ illas expectatione sua solidiores esse; provocationis suæ consilium damnarunt, omnemque continuò moverunt lapidem, tum per se, tum per ipsum Societatis Jesu Præpositum Generalem, ut earum editionem impedirent, obtinueruntque re ipsa illum in finem epistolam à dicto Generali P. Oliva, quam & impresserunt *Libello suo supplice* de quo agimus pag. 10. Sed uti nunc in hoc *Libello*, ita tunc apud P. Olivam callidè tacerunt de Armamentario & exposultatione, publicæ luci à se datis; quæ cum P. Generalis ex suorum informatione potest cognovit, agrè ferre non potuit, responsionem paratam publice postulant? reddi. Porro quæcumque in prædicto *Libello supplice*, pro pace conservandâ à PP. Carmelitis gesta, speciosè dicuntur, post violatam ex parte illorum pacem per editionem Armamentarii gesta esse, observandum studiosè est. Iterum dico, studiosè observandum esse, Armamentarium Carmelitanum P. Francisci Bonaspæi, publicè provocantis atque obstantis P. Papebrochium, ut suam de antiquitate Carmelitani Ordinis sententiam ferret, multo prius fuisse editum quam ipse illius mentionem vel verbo fecerit. Patebit id utriusque scripta inspicienti. Atque hoc modo abundè refutatum est quidquid in

Libello supplice ejusque Synopsi, objicitur non rectè P. Papebrochio, quasi primum ipse offensionis posuerit lapidem.

Circa reliquum porro *Libellum*, etsi nihil quidquam contineat, quod non pridem aut refutatum, aut gratis asseri monstratum, aut scriptis supposititiis atque apocryphis niti ostensum sit, notanda nihilominus nonnulla veniunt. Ac primò quidem, quod variis locis reus agatur Papebrochius læsæ Majestatis Pontificiæ, propterea quod Bullis aliquibus minorem, quam par sit, reverentiam deferat: scilicet iis Bullis, quas pridem Tom. I Aprilis pag. 791. à num. 101, demonstravit apocryphas esse, nec ab ullo unquam Pontifice datas: quasi verò Ecclesiæ sanctitas auctoritasque sine figmentis salva esse non possit.

Noto item, quod à num. 23 auctoritate Pontificia canonizatam antiquitatem suam velit *Libelli* auctor: sed vereor ne eadem auctoritate antiquiorem faciat Ordinem, quam ipse velit, ac nomen Fundatoris ab Elia ad Enochum transferre cogatur. Nam numero suo 25 ex Julii II Bulla, qua priores omnes confirmari ait, hæc ipsa verba pro se adfert, scilicet, Carmelitas *Sanctorum Prophetarum Elie, Elisei, & Enoch . . . successorem hereditariam tenere*. Ex quibus si quid pro antiquitate ac veri nominis Institutore probatur, non solum probatur Eliam atque Eliseum (ut volunt Carmelitæ) sed Enochum quoque (quod tamen nolunt illi) & quidem primum, utpotè tempore priorem, veros Ordinis Carmelitani Institutores esse.

Tertium noto, nimis indulenter præsumere Auctorem *Libelli*, ad evincendam antiquitatem prætentam satis esse, quod illius mentio fiat in Officiis Ecclesiasticis, per sacram Congregationem Rituum aut permixtis aut approbatis. Fateor, ex ejusmodi approbatione historici auctoritatem accedere, neque ullus id negaverit Catholicus: at verò accedere talem, ut falsum subesse non possit historiis, sub approbatione tali legi permixtis, aut ut viri eruditi prohibeantur circa illas disputare, ab iisque ratione bona nixi dissentire, ne ipsa quidem sacra Congregatio prætendit. Patitur

titur enim de facto quæstionem agitari de S. Dionysio Parisiensium Patrono, an scilicet idem sit, quod Breviarium Romanum manifestè attulit ad diem 9 Octobris) cum Arcopagita, an verò diversus: item, an a S. Clemente seculo primo missus sit in Galliam, an tempore Decii seculo tertio. Patitur similiter de historia S. Marthæ ad 19 Julii relata disputari. Patitur denique (ut plura missa faciam) contra adventum sancti Jacobi in Hispaniam, ad 15 Julii à se assertum, rationibus pugnari. Patitur, inquam, Ecclesia de historiis illis dubitari disputarique, tamen si in Breviario Romano legantur, atque inde non unius tantum Religiosi Ordinis, sed quasi totius Ecclesiæ traditio fieri videantur; neque injuriosum sibi putat, si quis oppositam assertioni suæ in historiis Breviarii sententiam teneat. Quomodò igitur Ecclesia non parietur similiter quæstionē institui de historiis, in privato alicujus Ordinis Breviario contentis, aut ex speciali S. Congregationis favore recitari permisis? Quomodò item injurius censi possit cuiuspiam Ordini, qui ab illius Breviario ac traditione particulari, nixus ratione bona, & auctoritate Historicorum alicujus notæ panē omnium, recedat? Sed neque ipsi PP. Carmelitæ præcipui in hoc consentiunt Auctori *Libelli supplicis*: siquidem ea super re apud S. Congregationem mota difficultate ab Illustrissimo ac Reverendissimo Domino Auberto vanden Eeden Antverpiensium Episcopo, responderunt PP. Carmelitæ Romani utriusque Ordinis, & quidem ipsi Reverendissimi Generales: *Nihil se auctoritatis præstare Officiis suis inesse, præ aliis continentibus historias antiquas, de quibus exacta certaque haberi modo notitia non potest*; ut videre est tom. 1 Maji pag. 716 à num. 29. Sed neque parem inesse auctoritatem Officii Regularium privatis, circa historias antiquas recentissimè compositis, & à S. Congregatione purè permisis, atque inest Officiis Ecclesiæ universalibus, ab omni memoria legi solitis, & speciali approbatione confirmatis, ex dictis supra manifestum est.

Quartum denique noto, in *Libello sup-*

plice num. 53 unde quaque congeri auctoritates Scriptorum, partim antiquiorum partim recentiorum duodecimo seculo. Et antiquiores quidem non nisi duo vel tres citantur, iidemque fidei aut suspensæ aut omninò nullius esse convincuntur, tom. 1 Aprilis pag. 760 à num. 50. Recentiores verò, præsertim cum plerique hujus aut præcedentis seculi sint, neque ex professo ac studio proprio, sed unius ferè Abulensis fide antiquitatem prætextam obiter attingant, parum morari debent ex coævis auctoribus studio singulari illam examinantes, & appensis diligenter in utramque partem rationibus tandem maturè sententiam suam profrentes. Sed neque obtinent auctoritates pleræque id quod prætenditur, neque evincunt quidquam amplius quam P. Papebrochius ultrò concedit. Vide enim *lis Libellum* à num. 69, ubi auctoritates Cornelii à Lapide, Francisci Suarez, aliorumque afferuntur; comperies Auctores præcipuos passim uti particulis similitudinem, dicendo, Eliam *tamquam* Patronum atque Institutorem esse Carmelitarum Carmelitas *quasi* posteros Eliæ esse; item *quasi* hereditariam successionem in Montē Carmelo tenere. Nihil autem horum negat P. Papebrochius: quin imò docet: quomodò PP. Carmelitæ Prophetam Eliam appellare possint *Ducem, Patrem, Auctorem*, & (si ita volunt) *Institutorem suum*; hoc nimirum sensu, quod per revelationem Prophetæ & jussu ejusdem (quod hætenus ferè ignotum, S. Bertholdo primo Priori accidisse, ex contemporaneo Scriptore, tunc Carmelitan in visente, ostenditur) Ordo Carmelitanus initium sumpserit; quemadmodum Ordo Servorum S. Mariæ, ob similem revelationem, illam nuncupat *Fundatricem suam*. Concedit igitur isthæc ultrò Papebrochius, & eatenus optimè meretur de Ordine Carmelitano, quod solidum ipsius principium assignet retinendi ad eodè amatum, Eliæ ut Institutoris, titulum: unum interea deprecans, ut ne rem incredibilem, & Acta Sanctorum scribenti maxime importunam, cogatur admittere; Videlicet, Ordinem religiosum à Christo nato duo-

decim ferè seculis extitisse, & toto illo tempore nulli cuiquam Scriptorum distincte innotuisse; eundem continuatam sine interruptione, à temporibus Eliæ ad duodecimum usque Christi seculum, successionem tenere; & id auctoribus aut domesticis traditionibus, utrisque seculo duodecimo multò junioribus, credi debere. Inde enim fieret, ut pariter cogeretur Papebrochius in Actis Sanctorum adscribere eidem Ordini, quotquot ferè Palæstina aliæque regiones vicinæ incolas habuere sanctos, puta SS. Hilariones, Serapiones, Spiridiones; Item SS. Basilios, Gregorios Nazianzenos, Cyrillos Alexandrinos; sed & Joannem Baptistam, & ipsam, si Superis placet, Beatiss. V. Mariam. Hi enim omnes præter innumeros alios, nominatim à PP. Carmelitis inter suos annumerantur, nonnullique etiam variis in locis habitu Ordinis donantur. Porro Papebrochium, sensu prædicto, concedere Eliam PP. Carmelitis; patet tum alibi, tum ex tom. 2 Maji pag. 710 num. 9. Quousque autem se extendat ipsius impugnatio, melius intelligi non potest, quam ex verbis impugnantis, quibus ibidem pag. 713 num. 18 ita loquitur: *Denique aliud nihil concludam, quam prætensas Carmelitani Ordinis antiquitates ejusmodi esse, ut de iis possit non imprudenter dubitari; atque ipsos dubitantes nullam facere injuriam Ordini,*

sive cum de illis agere subterfugiunt majoris boni respectu; sive cum loqui coacti, tandem ingenuè confitentur, quid sentiant: quorum primum in Martio, secundum fecimus in Aprili.

Denique sine annotatione prætermittere nequeo, quod Auctor *Libelli*, in ipso supplicationis exordio, non minus asseveranter de P. Papebrochio, & quidem primo loco, quam deinde de Patribus sui Ordinis pronuntiet, interdictum tam illi quam istis à Sanctitate sua ulteriori circa rem controversam scripture: quod de suis quidem certò scire potuit, de illo nimis temere, ne dicam injuriosè, affirmavit. Demus tamen ira esse: profectò si istiusmodi interdictum respectu P. Papebrochii re ipsa factum fuisset, non potuisset severius sibi ipse imperasse silentium, quam tenuit hætenus; & constanter deinceps tenere animum obfirmavit, nihil importunis quibusvis adversæ partis libellis, ad respondendum identidem provocantibus, à proposito dimovendus; utpotè existimans, hætenus allata à se argumenta, ad elucidandam quæstionis propositæ veritatem, satis esse veritatis amantibus; nulla satis unquam fore aliter affectis. Utinam eadem mens PP. Carmelitis etiam post interdictum fuisset, nullumque scriptum eorum seu proprio seu alieno nomine monstrari posset! Utinam & modo foret!





